

溫縣志卷之七

建置志

城池

公署

倉廩

橋梁

春秋重民力凡興作必書公羊子謂凡城之志皆譏是也而作泮宮修闕宮以為富務而不書溫雖蕞爾或資捍衛或聽政治或以脩凶荒之用或以通往來之便或以旌殊尤而恤笑獨無告之衆胥邑政之不睿寢閣者不有與輯其曷攸濟故條分縷析而紀之以存掌故

城池

**城**唐武德四年建周圍五里十三步高一丈五尺廣四步門東西南三  
明景泰元年知縣虞廷壘正德五年知縣李鏗重修嘉靖三十年知縣孟津廣城南面改門正南額曰文明今為絃歌門萬歷三十七年知縣王承任復改門東南隅天啟二年知縣馬寅仍改門正南並建東西二門樓崇禎十二年知縣張兆熊增修東南城易以磚建敵樓二十座今全廢  
國朝康熙五十六年知縣孫晉重修雍正八年攝篆知縣左懋源補修乾隆十年知縣張承諫補修

溫縣志

卷之七 建置

一

朱裳修南城記邑舊有兩南門俱在學宮之西學僻處東南隅嘉靖辛卯郡守一泉王公始改建於兩門之間然而逼近城堞逸三四步似犯面墻之忌分巡少泉王公嘗欲鑿門於文廟正南以通靈氣而歲比不登有司每難之庚戌六月兩峯孟公來幸是邑行釋奠禮睠茲隘陋閉塞不足以鍾靈又以舊南門僻在東城隅偏薄低窪之處如人俯首縮項氣象委瑣不振建置豈應如是乃議展築城垣於學宮之前開正南門以受山河之氣以狀請於當道諸公咸可之於是拓地糾工命義官張儒王大濟分督其事而以學博蕭先生時董率焉其治之拓而大者東西相距凡六十餘丈南北凡二十餘丈夫用三百名分番役之城樓高二丈凡四楹堊丹漆舉以法經始於庚戌冬月落成辛亥之秋學之三博與生員石萬鍾輩謂此不可以無記余拜

手颺言曰天運而人自從時起而事必應公以南滁之大儒陽明之高弟初試於溫蓋天將復起我溫之文運也南乃離位離為文明新城既築高門有仇樓閣崢嶸規模壯麗山澤之氣通而仁智動靜之理不宛然在目乎地以人而靈人必以地而傑異時甲第聯輝奕葉相望居民之安堵財賦之不匱皆自今日始也詩曰豈弟君子遐不作人公其以之公名津字伯通嘉靖辛卯南畿鄉薦兩峯其別號也

(池)乾隆二十三年知縣王其華創鑿周圍五里四十四步深六尺濶一丈二尺

王其華修城河碑文昔胡文定公曰城郭溝池君子所謹而孟子鑿池之論又先築城者城以保民池以環城池不深則城不險故鑿池不緩於築城也溫為舊帝畿秦漢以來相沿不革雉堞歲修池則廢為平地且強佔耕築者多邑乘所謂深六尺濶

溫縣志

卷之七

一丈二尺者久無存矣余承乏茲土相度形勢志存開濬而兵荒兩役歷癸甲丙子更番奔走未得舉行惟乙亥一載官民稍暇又因學校為人才攸關經營書院而於茲務亦未之遑戊寅春糧價騰貴窮民艱於謀食思倣前人因工代賑之策用集紳士議脩廢舉余捐金以倡眾亦樂輸並分任鳩督焉溫土高阜池不得泉邑西北有南王村廣濟支流所經爰開渠引水環城一週又恐連雨為害於城之東南而隅建橋設閘旱閉澇啟得導流以達於黃至池之廣深則彷彿舊制云是役也不過遵先賢慎險之言而前湮以振民困以慰宿志以償余幸為溫脩捍衛之資而並樂溫人之可與有成也遂摠其始末而為之序

吳玉斗詩新隍萬丈鑿平州九壘濼泗是上游龜背喜來魚浪繞龍肢分入鳳池浮風搖水調添琴韻影倒金城帶堆流滾滾

直朝瀛海去乘槎好向斗牛遊 鄭天叙詩清溪繚繞護城墉  
頓覺平州異故封兩岸金絲搖綠柳一條銀線出黃龍光連水  
殿州千丈影倒楊花浪幾重萬姓臨淵歌樂利恩波直似水波  
濃

**縣署** 在城中街自後魏歷唐宋元皆仍舊元季兵毀明洪武四年  
主簿孫文隆重建景泰三年知縣虞廷璽增修萬歷九年知  
縣蕭官重修 國朝康熙三十四  
年知縣滑彬重修規模較大

**大堂** 五間康熙三十三年  
知縣張明達重修

**二堂** 三間

**三堂** 三間康熙二十四  
年知縣滑彬修

**贊政廳** 三間在大堂  
東今廢

**錢糧庫** 在大堂  
東

**儀仗庫** 在大堂  
西

溫縣志 卷之七 建置

**吏舍** 東西各十間乾隆九年  
知縣張承謨重修

**皂舍** 東西各二間乾隆九年  
知縣張承謨重修

**戒石亭** 在二門內今  
亭廢碑記

**二門** 三間

**大門** 三間明正德年間  
知縣王民表建

**申明亭** 在大門  
左今廢

**旌善亭** 在大門  
右今廢

**衙神廟** 三間在大門內東明萬歷四年知縣張第建  
國朝順治二年知縣張納猷增厦三間

**賓館** 三間在儀門外右明萬歷  
四年知縣張第建

**縣署內宅** 在大堂後康熙二十  
四年知縣滑彬增修

數初之堂嚮明而治非奉簡命尹茲土不得而居之朝放夕省  
誦笛空而案牘清堂上鳴琴絃歌徧野矣

**縣丞衙** 在鍾鼓樓東後改爲

**主簿衙** 在鍾鼓樓東後改

**典史衙** 係縣丞署改建 雍正十年典史楊之棟重修

**鍾鼓樓** 五間重簷在縣治大門東明隆慶年間知縣王維寧建

通判陳芳猷署縣事捐修五十年知縣孫眉

**監獄** 內監五間在儀門內右雍正四年知縣劉大觀增修外墻乾

二間女犯監二間二十三年知縣

**布政司署** 在縣治東南 王其華改修監墻易以磚

**按察司署** 在縣治東 國朝乾隆二十三年知縣

**府館** 在縣治東南 國朝康熙二十四年知縣

**醫學** 在縣治

**陰陽學** 在縣治

**溫縣志** 左今廢

**僧錄司** 在縣內

**道會司** 在縣內

**呂汛衛** 在縣治東乾隆十九

**講約所** 年知縣王其華改建

**倉廩** 今廢

**預備倉** 在文廟後街康熙三十一年知縣張明達建

**常平倉** 在文廟後街康熙三十一年知縣張明達建

**濟寧倉** 在設粥寺前共計四十一間雍正三年知縣劉

**東廩房** 十七間在鍾鼓樓後雍正

**後廩房** 四年知縣劉大觀建

**社倉** 四處一在趙堡鎮一在南王鎮一在郭村鎮

**養濟院** 在設粥寺前明知縣楊如栢建

卷之七 建置

**普濟堂** 在鐘鼓樓東雍正十三年知縣顧心錯建乾隆二十三年知縣王其華改建於卜里書院東大門一間街房三間中

**育嬰堂** 在鐘鼓樓東雍正十三年知縣顧心錯建乾隆二十三年知縣王其華改建於普濟堂左大門一間街房二間上房三間廂房六間

**漏澤園** 連珠塚西二畝三分四厘知縣康四海置較場北一畝二分九厘七毫二絲五忽知縣王薇置王駕所村前一畝知縣楊廷諫置趙堡鎮一段二畝五分知縣劉大觀置

**厲壇** 詳見祀典 侯銘任捐 庄一畝生員 侯銘任捐

**橋梁** **三義橋** 在東門外三義廟前因名順治十二年知縣楊廷諫重修

**廣仁橋** 在東門外乾隆二十三年知縣王其華創建

**溥濟橋** 在西門外舊有橋名汲引久廢乾隆二十三年知縣王其華重修易今名

**惠民橋** 在南門外雍正三年知縣劉大觀建

**卧波橋** 在南門正南附堤北乾隆二十三年知縣王其華創建

**彩虹橋** 在東南堤下雙橋乾隆二十三年知縣王其華創建

**吳玉斗詩** 不因受屐駕飛虹雁齒斜穿月半空引得雙龍循道去星橋波及赤縣東

**萬安橋** 在捍禦宮前堤下大橋乾隆二十三年知縣王其華創建

**惠遠橋** 在焦家庄前乾隆二十三年知縣王其華創建

**滙歸橋** 在城外東南隅城河水從此出乾隆二十三年知縣王其華創建

**廣濟橋** 在縣西上元村西國朝順治十七年鄉民謝天恩捐費建

**通濟橋** 在縣西南王鎮乾隆五年重修

**皇華橋** 在縣西北崔家庄明天啟元年邑紳職登第建

**魁公橋** 在縣西東口村天啟二年鄉民王濟民募修

**惠濟橋** 在衛家溝南乾隆十九年建

苗于京記任郡黑帝祠之陽沁渠迤南架木為梁以通車輿往來前此未嘗有也。有之而濟以利焉。惠以廣焉。故顏曰惠濟橋。云先是庠員衛緒成以渠南沮洳之區流潦奔匯時值積水未涸輦載病涉置酒延粉榆諸翁規度所以濟渡者諸翁歛然同聲僉以建橋為便各解囊橐以襄厥事。凡十八家得銀一百有奇。而本社十八家外及方近好義者。欣助復二十。而贏財物充一裕。興事任力。斷遷分株。饗犒分日。畚揭分方。主之者十八家。苦蓋佐以羣力。經始闢茂。孟陬于余月。竣役橋十八孔。長二十二丈。旁有欄楯。可坐可凭。基趾梗于甕橋。同事衛學文入地五分。又購其地二分。工訖。歛其餘材。別於孔道之北。新築茶寮二楹。以為行人休憩之所。程物課材。約用榆楊百七十餘章。其木杪四百四十束。柳蘗秫蕪三千五百觔。麥麩十車。甌甑千枚。伐木般輪安椿。鋪墊斲削。圻填工役千有二百五十五。凡耗金一百五十餘兩。時乾隆十九年十一月。

溫縣志

卷之七 建置

六

**趙溝橋** 乾隆十二年建

**陳溝橋** 乾隆二十年建

**南平臯橋** 乾隆十五年建

絕流通道而橋梁設乘輿濟人。孟子病之王周以橋覆租車。庚之而葺其橋。君子平其政。俾道路之無壅。繕理何可或弛也。

河防

**沈河堤** 在縣西三十里。明洪武十七年。縣丞范忠因濟渙二水夏秋長溢為害。築堤防之。長四里。成化年間。知縣李鑑增修。

國朝雍正十年。知縣顧心錯培修。乾隆十三年。知縣張承誠培築高厚。設看堤。守房三座。

王公堤

在縣南門外明天啟二年府守王公景闈城以城南臨黃

國朝康熙初年知縣伊洛備重修乾隆二十三年知縣王其華

以河水瀕於舊堤俱湮興工重築寬長倍前

王其華修堤記濱河郡邑詔置河堤自漢以後無代不然至我

朝於河防尤加意焉温一濱河區也西北而東地據高阜然

南臨河灘距黃僅數里歲逢波漲開亦為患况建城脫氣露胎

更宜築堤以補之余下車閱城私怪前人創建未周及考縣志

有王公堤者係明太守王公命邑令馬建築碑温之氣脉完聚

嗣東魯伊君因其廢而復興焉始嘆三公之早有造於温惜至

今傾塌已盡也有志脩葺而湮任五載民數疲奔未敢輕舉今

年春士民公議按詔派工僉請重修竊喜素志得遂指俸以倡

民樂趨事不三旬而告成其制自先農壇坡頭以東五十步起

至萊園庄西十餘步止計長三百七十五丈高一丈一尺底寬

三丈頂寬六尺蓋視舊制尤寬厥云斯舉也以防河患以聚地

脉接跡東魯復王馬二公之業敢自以為功乎後有與吾同志

保護而修葺之温之士民吾知必有感戴於不朽者是為記

苗于京保固王公堤序絃歌門外王公堤久為河水漲沒龍集

戊寅惠安王大尹上承王馬伊三公之志築而新之延廣視前

增倍屬役竣事恐其弛於完葺而湮仍前也與邑紳士吳玉斗

田壽等定議揣其任於十三里里摠而計里受功堤凡三百七

十五丈里分二十九丈而弱其或傾圮視在某里分界即俾其

里培補堤有王名責無旁諉自是而繕理鞏固千萬載其永永

無斁矣 吳玉斗王公堤善後引劄維興版築以禦鯨波缺百

加補勤搶修以防蟻穴成尤成頽我温王公堤者西拖坡底東

繞農壇內護金城外防黃水矧論龍砂則道續脫氣而且番風

脉又密補露胎但嘉制雖創自前明奈舊模已壞于近代蘇城  
霞映忽驚竹箭射來温麥雲蒸開逐桃花飄去堤化蛙矣隍池  
幾作天池之寬民其魚哉城櫓時來船櫓之通賴惠安王公修  
廢舉衰鳩工增築子來而疾如桴鼓橫排一字娥眉功成而歡  
若轟雷表起于尋錦帶誠萬年之砥柱洵一邑之保障然長虹  
雖豎于目前而陰雨宜籌於日後風摧雨蝕陰陽恒變平作陂  
日消月磨牛馬能化岸為谷防駸殘欲問誰氏脩修葺斷歸吾  
人願股分爲三百餘丈之工程其保固於一十三里之烟戶則  
一歲修有主先庚應厘先甲之圖而補苴無虞金堤直同金甌之  
固不煩囊沙壅水癡若吳郎何用射弩却潮勞如錢氏從此鷄  
城三里不受揚沙之災行見鷗堤一條永無沉窳之患矣 邑  
令王其華詩險逼南関一帶黃尋踪尖却古河防隄成但使前

温縣志

卷之七 建置

涇振姓氏他年可渾忘 龜城喜得會蛇堤不苦金湯混濁泥  
防患更栽防岸柳綠陰深處護鳴雞 吳玉斗新隄詩不放蛇  
龍走北坡大防增築趨時和近纏雉堞拖長帶橫抹翠眉列曲  
蛾隄柳枝同棠蔭茂漁邨人唱浪平歌功成猶自慮蟻潰偷得  
土牛萬萬多 鄭天叙詩表起金堤補露胎巧將陳迹翻新栽  
其驚雲嶺盤空出不懼雪山倒地來翠帶橫拖芳草路彩虹斜  
掛碧溪隈千秋保障同棠蔭綠柳菁葱戒剪摧

柳園

在五里院二大園地六十畝小園地六畝零 在城濠一

楊園

一在北城濠 國朝乾隆五年知縣范元灝捐栽成活四百

碑記 一在北孟封地六畝八分乾隆五年知縣范元灝捐栽  
成活一千一百四十一株典史楊之棟捐栽成活五百四十三

株園內有碑記 一在城濠四週乾隆二十三年知縣王其華  
同閻邑士長捐栽九百二十株

苗于京城河植楊記温灝河而隄河防使者符下徵材每市輸



木耗數金錢不訾溫民大以為苦然亦無辭可解免也太平王  
公治溫六載明作底績百度咸張既以引渠達隍乃晉十又三  
里之里正者長而商摧種毓之利曰若曹不素苦椿木乎今有  
道於此可使為不涸之源不竭之府誰哉沈鍊而爛於辭其為  
我緩頰論導以減乃務里者曰何謂也曰十年之計樹木城曠  
土多間曠荒而廢之膏腴境均矣苟購名材而蔣之環城皆陸  
海也况茲流泉可資灌溉若樹青楊一千株勿剪勿伐厥木惟  
喬椿材惟所擇矣椿木足應征求採買之價可給輦運餘者再  
覓穉栽補之生生不窮子孫百年免派累之苦所謂不涸之源  
不竭之府也里者曰仁侯惠我蒸人謀及數世予儕小人於食  
有福矣雖然慈惠忠信而長如今日則可脫有不然勤我培植  
從供哀柄器用又且以官樹不許抵椿仍苦派累其奈之何曰

溫縣志

卷之二 建置

九

吾為若計之熟矣是可預為盟也盟之若何今與里人約誓而  
勒其文於堅珉若曰此十三里頌樹以俟河干不時之需所擅  
動它用及阻撓抵椿再行派累者有如皦日懿好攸同疇不樂  
善天地神示昭布森列而渝要言以速戾邪於是里耆僉唯唯  
而退各樹楊若干合之近千株樹訖巧余文以證息壤余因詮  
次其語而濡不律為之記大尹泉之惠安人諱其華乾隆壬戌  
進士時歲在祝犁單閼病月之臘

舖舍

馬房

在縣署東

溫泉舖

在縣治右

梁庄舖

在縣治西  
北十五里

郭村舖

在縣西北  
二十五里

溫縣舊額設里馬十八匹後裁去十二匹額設馬夫三名走遞夫三名鋪兵四名雍正四年又裁減馬二匹馬夫一名撥補鄭州滎陽縣驛行差又於乾隆二十三年十二月裁減馬二匹馬夫一名撥赴直隸當差現存馬二匹夫一名走遞夫三名鋪兵四名

**碑坊**

碑子夏碑在趙堡鎮 司馬溫公碑在縣東門外 韓獻子碑在郭村鎮 鉏鹿碑在縣西門外

**坊**

仕宦 緇衣坊 御史范安今廢 紫誥三封坊 誥贈參政朱奇朱宗 在縣王其華重修題文科

知縣王其華重修題文科 姓名於上易名鳳舞 舉人經魁坊張廉存 冠英坊程式

**科名**

進士坊張旭今廢 攀桂坊牛健 昂霄坊董英 重光坊趙能 折桂坊孟品 文英坊樊忠 徙溟坊王友直 奎光坊范安 經魁坊楊懋 文英坊樊忠 徙溟坊王友直 奎光坊范安 以上俱廢 經魁坊鄭祖教 國朝乾隆二十三年知縣王其

溫縣志

卷之七 建置

十

華題武科姓名 於上易名鷹揚

**旌義**

五世同居居坊王化 彰善坊在東門外

**旌節**

**節孝坊**

在節孝祠前 貞節坊鄭可大妻王氏 張以寧妻許氏 郭繼志妻王氏 王卓妻鄭氏 鄭五妻張氏 今廢 應吉妻郭氏 任文英妻牛氏 郭可憲妻侯氏 范燮中妻 鄒氏 俞升妻楊氏 鄭朝妻張氏 馮化鵠妻白氏 冉擢 妻王氏 雙節張靜涵妻李氏子淑妻崔氏 三節朱生潮妻 維氏 朱生濱妻郭氏 朱生洋妻柴氏 王文魁妻程氏 侯方 振妻李氏 郭掄升妻楊氏 陳申如妻高氏 郭自勉妻傅 氏 吳承宗妻劉氏 朱克家妻董氏 吳宗周妻鄭氏 吳 廷議妻王氏 張纘昌妻王氏 鄭世簡妻吳氏 鄭明心妻 李氏 劉政妻王氏 孫世慶妻周氏 周森妻張氏 鄭宗 龔妻 許氏

**武脩**

較場在縣西門外 演武亭三間 今廢 將臺在較場